





Khomphiutha e tshwana le tlhaloganyo

Patricia Ndlovu

Pexels; Pixabay





Khomphiutha e tshwana le boboko jwa motho.


E tshwara tshedimosetso mo teng ga yona,
mme e dira ka tshedimosetso.

E tshola tshedimosetso, mme e neelana ka
tshedimosetso.



Fa khomphiutha e dira ka tshedimosetso, ra re e sekaseka tshedimosetso.

Fa khomphiutha e tshola tshedimosetso, ra re e boloka tshedimosetso mo memoring wa yona.



Le fa o tima khomphiutha, polokelo e boloka tshedimosetso mo memoring wa yona.

Polokelo gantsi e fitlhelwa ka mo gare ga khomphiutha.



Folešeteraefe kgotsa folešesetiki e boloka tshedimosetso fela jaaka polokelo.

Folešesetiki e tsena mo khomphiutheng.



Re dirisa mananeotiriso go dira ka tshedimosetso.

Mananeotiriso a rulaganya tshedimosetso mo khomphiutheng.

Go na le mananeo a a farologaneng a ditiro tse di farologaneng.




Di-application tsa mo sematefounung le tsone ke lenaneotiriso.

Leinakhutswe la application ke *app*.



Go na le di-*app* tsa go tshameka metshameko le ditirwana tse dingwe tse di itumedisang.



O ka boloka dibuka di le dintsi khomphiutheng.

O phutholola ditsebe tsa buka ka go gatelela
konopo kgotsa go swaepa mo sekirining.



Kgolaganyo ka khomphiutha le inthanete di mosola thata fa o ithuta.

O ka dirisa inthanete go tsena mo kgolagano-tirisong le go bogela barutabana ba ruta dithuto.



Inthanete le yona e ka nna lefelo le le kotsi.

Kopa mongwe yo o mo tshepang go go thusa go dirisa inthanete le go tsena mo webosaeteng e ntšhwa.

—Dipotso

1. Go rulaganya ke eng?
2. Khomphiutha e boloka tshedimosetso kae?
3. Neela sekai sa sediriswa sa polokelo.
4. Mananeotiriso a khomphiutha a re thusa jang?
5. Ke goreng re tlhoka inthanete fa re dira mo khomphiutheng?
6. Tlhalosa gore ke goreng khomphiutha e tshwana le boboko.
7. Batla tshedimosetso ka di-*app* tse pedi tse o ka di dirisang go tokafatsa dithuto tsa gago.
8. Webosaete e dirilwe ka eng?

Buka e, ke nngwe ya metseletsele ya dibuka tse nne tsa go itsise ditlhogo tsa thekenoloji ya khomphiutha. Bukakanelo e tlametswe porojeke ya Zenex Ulwazi Lwethu ya didiriswa tsa go buisa ya 2021.



Ulwazi Lwethu is a Zenex Foundation funded and initiated project to develop a series of graded and leisure African language readers and teacher support materials. This project is targeted at teaching and supporting learners in the Foundation Phase to improve their home language reading and understanding. The readers have been originated in nine African languages in collaboration with Molteno Institute for Language and Literacies, Nelson Mandela Institute for Education and Rural Development, Room to Read South Africa, and Saide. All resources are developed as Open Education Resources (OER).



basic education

Department:
Basic Education
REPUBLIC OF SOUTH AFRICA

*The Ulwazi Lwethu readers and storybooks have
been quality assured and approved by DBE.*

Your attribution should include the following:

Title: Khomphiutha e tshwana le tlhaloganyo

Author/s: Patricia Ndlovu

Translator/s: Dineo Moatshe

Illustrator/s: Pexels; Pixabay

Assurer/s: Opelo Thole

Language: Setswana



© Zenex Foundation - Saide 2025 (Updated Edition)

CC BY includes the following elements:

BY  – Credit must be given to the creator

